



Komunikado 2021-016

Enkueta di situashon finansiero i práktikanan di pago na Sint Maarten

Willemstad – Durante di e lunanan di sèptèmber i òktober di e aña aki, Centrale Bank van Curaçao en Sint Maarten (CBCS) hunto ku departamentu di statistik (STAT) di Sint Maarten lo tene un enkueta riba ‘situashon finansiero i práktikanan di pago na Sint Maarten’. Den e kuadro aki, enkuetadónan di STAT lo bishitá bibiendanan pa hasi pregunta.

E enkueta tin komo meta pa haña un bista di e konosementu finansiero, problemanan finansiero, e situashon finansiero i práktikanan di pago na Sint Maarten. A base di e informashon aki, CBCS por ehekutá lo siguiente mas eficiente i efektivu:

- Organisá aktividatnan riba tereno di edukashon finansiero, pa asina stimulá un komportashon finansiero responsabel bou di konsumidónan i prepará nan pa enfrentá shòknan finansiero;
- Hasi sugerensianan na institutonan finansiero tokante nan produkto i servisionan finansiero;
- Adaptá òf renobá sistemanan di pago pa kumpli ku nesesidatnan di e konsumidónan.

Pa por haña e mihó resultado posibel, nos ta supliká tur bibienda ku a wòrdu selektá den e muestra, pa brinda nan koperashon na e enkueta. STAT ta obligá pa lei di atendé ku e informashon kolektá ku sumo konfidensialidat.

Tur enkuetadó lo tin un identifikashon ku datonan di e persona, un potrèt, logo di STAT i un firma di e direktor di STAT. E enkuetadó tin obligashon pa identifiká su mes na momentu ku ta hasi e bishita.

CBCS i STAT ta gradisí tur hende di antemano pa nan koperashon.

Willemstad, 2 di sèptèmber 2021

CENTRALE BANK VAN CURAÇAO EN SINT MAARTEN